

王德勝恭編

蔣總統年表

民國七十一年最新增訂本

王德勝






王德勝恭編

蔣
總
統
年
表

民國七十一年最新增訂本

世界書局印行



總統孫公遺囑

自余未幾以來，即遺囑

總理革命，無時不以 耶穌基督為

總理信徒自居，無日不為掃除三民主義之障礙，以

民主憲政之樹基，暨基督門徒之精神，自由星

地，日益積實壯大，並不斷對大陸，以基督為依

南政治作轉，及為復國事業，方期日新月異，全國華

民，全軍同志，絕不可因余之不起，而懷憂喪志，務

望一致精誠團結，服膺基督，無政府領導，奉主

存為無形之

總理，以復國為共同之目標，而中正之精神，自必

與我同志同能，長相左右，實堪三民主義，先導大陸

圖之，復無民族文化，暨三民主義，為余畢生之志

事，實亦即海峽兩岸同胞，一致之革命，願忘無戰

鬥決心，惟願憲法，與基督，為我同胞，非過成國

氏革命之遺囑，絕不中止，天勤天身，毋忘母恩。

中華民國二十一年三月二日

前言

余自幼卽尊崇 蔣總統之偉大，凡有關 總統之書籍，必誦之而後快焉！民國三十七年八月，渡海來臺，恆苦忠黨無路，時悲報國無門。迨四十一年六月，恭讀整理文化遺產與改進民族習性文告後，乃決心敬撰 國父年譜、 蔣總統年表、陶詩集解、文字訓詁、十三經類編，以實踐 總統之訓示。而 蔣總統年表，則據史成篇，闡述賢蹤聖迹，依經立義，恢弘文治武功；褒揚忠烈，貶損姦凶。噫！昔孔子作春秋，而亂臣賊子懼！今余編 蔣總統年表，而漢奸污吏共匪俄寇亦將有所恐乎

中華民國四十四年一月一日河北寶坻王德勝謹識

例語

- 一、是編爲編年體。
- 二、是編所紀年月日，民國以前，用夏曆；民國以後則用國曆。
- 三、是編考證專務真實。
- 四、是編文辭力求簡要。
- 五、是編褒善貶惡，撥亂反正，皆宗法春秋。
- 六、是編鉤深致遠，溯委窮源，則依照史記。

蔣總統年表

總統蔣公名中正，字介石，浙江奉化人。始祖曰伯齡，乃周公第三子，封於蔣國，其子孫即以國名爲氏。漢代蔣氏子孫遷居杜陵，至哀帝時，有蔣詡，出任兗州刺史。詡傳四世至澄，由杜陵南遷陽羨瀟湖。再傳八世至晉時蔣極，轉遷浙江台州。又二十傳至五代蔣顯，任四明鹽官，始居寧波城內探蓮橋，人文蔚興，爲甬上望族。元末蔣氏已遷奉化；至於溪口一支，則仕傑公於明末始卜居於此。復十二傳至總統曾祖祈增公，累世孝弟力田，敦崇禮讓；祖玉表公，考肅庵公，代昭令德；妣王太夫人采玉，克著徽儀。

民國紀元前二十五年（丁亥 西元一八八七年） 總統一歲。

九月十五日（國曆十月三十一日）未時，誕生於溪口鎮玉泰鹽舖內之祖宅。

民國紀元前二十四年（戊子 西元一八八八年） 總統二歲。

肅庵公在報本堂構成西廂房，乃由玉泰鹽舖遷居於此。

民國紀元前二十三年（己丑 西元一八八九年） 總統三歲。

姊瑞春于歸宋式倉。

民國紀元前二十二年（庚寅 西元一八九〇年） 總統四歲。

六月初六日，妹瑞蓮生。除夕，總統忽生奇想，用箸探喉，幸被王太夫人將箸由口中取出。雖觸

民國前二十五年至民國前十七年

痛喉嚨，卻不慌不忙曰：「我不過試喉嚨之深淺而已！」

民國紀元二十一年（辛卯 西元一八九一年） 總統五歲。

正月初一日晨，玉表公親問肅庵公曰：「孩子喉嚨有無變化？」時 總統睡於牀上，聞祖父問話，立刻跳起，伸頸帳外曰：「我能夠說話，我沒有變作啞子。」聞者皆啞然！夏，於剡溪見許多小魚，逆水勢而游，雖被湍流擊打，仍努力前衝，始終不懈。總統深受感動，想無知小魚，尙能抵抗環境，況人爲萬物之靈，能弗如乎？遂模仿小魚，奮勇直前，幾遭滅頂，終以心定神靜，得免於厄焉。

民國紀元前二十年（壬辰 西元一八九二年） 總統六歲。

始入家塾，從任介眉讀。次妹瑞菊生。

民國紀元前十九年（癸巳 西元一八九三年） 總統七歲。

仍就讀家塾，課餘，恆手持木劍，騎在石鼓上面，指揮羣兒，練習兵操，觀者無不嘖嘖贊美！

民國紀元前十八年（甲午 西元一八九四年） 總統八歲。

改從蔣謹藩讀完大學中庸。十月二十四日，玉表公卒，享年八十有一。二十六日，弟瑞青生。十一月二十四日，國父於檀香山創立興中會。

民國紀元前十七年（乙未 西元一八九五年） 總統九歲。

春，復從任介眉讀完論語孟子。任課徒嚴酷，六月間，染疫死。又從蔣謹藩讀完禮記千家詩。七月

初五日，肅庵公卒，享年五十有四。

民國紀元前十六年（丙申 西元一八九六年） 總統十歲。

從蔣謹藩讀完孝經。王太夫人教之以禮樂，嘗訓之曰：「凡升降拜跪，必須與音樂節奏相應合，兒勿忘旂！」是年春，與兄錫侯析產。總統與弟瑞青隨王太夫人，仍居報本堂西廡舊宅，錫侯居東廡。清明節，始遊雪竇山，見妙高臺愛之。

民國紀元前十五年（丁酉 西元一八九七年） 總統十一歲。

從蔣謹藩讀春秋左傳。謹藩授課之餘，並講國內外之異聞曰：「美國大總統華盛頓，輕車簡從，十分隨便，不像滿清官吏，前呼後擁，氣燄萬丈。」他生聞此，頗感奇異。獨總統起身曰：「大總統是一個人，平民亦是一個人，大總統行動與平民相同，不亦宜乎？」謹藩頷之。後謂王太夫人曰：「令郎天資穎異，他日必成大器，汝節操貞潔，天固有以報之也。」是年四月，隨王太夫人遊天童寺育王寺及靈峯山。

民國紀元前十四年（戊戌 西元一八九八年） 總統十二歲。

從蔣謹藩讀詩經卒業，間習古文辭，學作制藝。三月二十三日，弟瑞青殤。

民國紀元前十三年（己亥 西元一八九九年） 總統十三歲。

王太夫人探得嶧縣名士姚宗元，設帳於葛溪溯源堂，遂命總統從姚受業。因得名師之教導，不久，便讀完尚書及唐詩三百首。姚命總統作詩，以竹爲題，總統應聲作成「一望山多竹，能生夏

日寒」二句，姚點頭稱贊，謂 總統母舅曰：「令甥非常聰明，若教養得法，前途不可限量。」竺紹康騎馬造館，與姚劇談，總統注視良久，異其氣貌軒舉。

民國紀元前十二年（庚子）西元一九〇〇年） 總統十四歲。

赴榆林村，從毛鳳美讀易經卒業。王太夫人教 總統親習勞作，藝桑灌園，以鍛鍊身心。

民國紀元前十一年（辛丑）西元一九〇一年） 總統十五歲。

從竺景松讀於崎山下皇甫氏家館，學作策論。是年四月，隨王太夫人登鎮海招寶山觀海。冬，與元配毛氏結婚。

民國紀元前十年（壬寅）西元一九〇二年） 總統十六歲。

赴巖溪村，從毛思誠溫習左傳，圈點綱鑑。夏，應童子試，見試場規矩惡劣，心恥之。

民國紀元前九年（癸卯）西元一九〇三年） 總統十七歲。

入奉化城內鳳麓學堂，習英文算術，受新式教育。

民國紀元前八年（甲辰）西元一九〇四年） 總統十八歲。

入寧波城內，從鄞縣顧清廉讀於箭金學堂。清廉治性理學，以明代薛暄「爲學第一在變化氣質」之語，來教誨學生。見 總統器識不凡，遂授以周秦諸子，說文解字，及曾國藩全集。並鼓勵 總統曰：「青年欲有大成就，當出洋留學異邦。」又縱談國內新聞，盛譽 國父之爲人， 總統輒用神馳，乃奮志於革命事業。 總統自稱：「吾國載籍之繁富，學術淵源之廣遠，得略涉其涯涘，以及

通曉讀書法，窺見漢文門徑，皆顧先生一手陶成之。」

民國紀元前七年（乙巳 西元一九〇五年） 總統十九歲。

正月，入奉化城內龍津中學堂。三月十三日，外王母姚太夫人卒，享年六十有九。四月，東渡日本，肄業東京清華學校，結識陳英士。七月二十日，國父於日本東京創立同盟會。冬，妹瑞蓮于歸竺芝珊。王太夫人召之歸，襄辦嫁事。

民國紀元前六年（丙午 西元一九〇六年） 總統二十歲。

清廷於保定創辦全國陸軍速成學堂，並令各省設立訓練公署，定額選取學生，浙省規定六十人，除武備弁目各學堂保送外，僅餘十四名。總統爲達到學習軍事目的，毅然報名投考，終以資質高超，於千名考生競爭中，榮獲錄取。迨舉行入學試驗，扶病參加，居然及格，得入全國陸軍學堂砲兵科肄業。時漢滿畛域甚明，同隊中惟 總統無辯，愈招滿人注目； 總統亦時加警惕，深自韜晦。後日本軍醫教官於講授衛生學時，掇取一立方寸之土塊，置於講台上，謂學生曰：「這一塊土，約一立方寸，計可容四萬萬微生蟲。」已復曰：「這一立方寸之土塊，好比中國之領域，中國有四萬萬人，亦如微生蟲，寄生此土中。」 總統憤不可遏，趨至講台前，將土碎爲八塊，瞋目而視曰：「日本有五千萬人，則似五千萬微生蟲，此八分之一土塊中，足可容其生息矣。」日本教官面紅耳赤，指 總統頭髮曰：「你是否革命黨？」 總統忿然曰：「只問你比喻對不對，不要問這題外事。」日本教官無言置喙，立懇總辦趙理泰，請予嚴懲，趙知曲在日本教官，僅令監督曲同豐訓斥了

事。年終，應考留日陸軍學生獲選。

民國紀元前五年（丁未 西元一九〇七年） 總統二十一歲。

再東渡日本，肄業振武學校。由陳英士介紹，加入同盟會。

民國紀元前四年（戊申 西元一九〇八年） 總統二十二歲。

仍肄業振武學校。見鄒容「革命軍」一書，酷嗜之，朝夕誦讀，夢寐間，如與晤言，相將提戈，驅除韃虜。並於像片上面，題七絕一首，寄與表兄單維則曰：「騰騰殺氣滿全球，力不如人肯且休；光我神州完我責，東來志豈在封侯。」

民國紀元前三年（己酉 西元一九〇九年） 總統二十三歲。

冬，卒業振武學校，升入日本新瀉縣高田野砲兵第十三聯隊爲士官候補生。時天氣沍寒，雪深丈餘，朝操刷馬，夕歸刮靴。嘗奮然曰：『將來戰場生活，其苦楚當不止如今日而已！是固尋常，有何難忍者。』故咬定牙根，事事爭先，亦不覺其苦矣。

民國紀元前二年（庚戌 西元一九一〇年） 總統二十四歲。

三月十八日，長子經國生。夏，國父由檀香山抵日本東京，經陳英士介紹，總統初次晉謁國父，傾談國事，國父許爲不可多得之革命人才。

民國紀元前一年（辛亥 西元一九一一年） 總統二十五歲。

夏，向聯隊請假回滬，與陳英士策動革命，至八月中旬，始回聯隊。未匝月，聞悉武昌起義，決心

景從，與同伍生張萃等，微服走長崎，登輪回國。九月初九日，抵滬，英士令主持浙事，即赴杭運動新軍，決議以童保暄爲臨時司令官，朱瑞爲第八十一標司令官，顧乃斌爲第八十二標司令官，總統爲先鋒隊指揮官。時 總統作書訣別王太夫人與兄錫侯，告以誓爲革命犧牲，語極激淒！王太夫人派王良岳至杭慰之曰：『死生一視於義，勿以家事爲念！』 總統回滬復命，遂率敢死隊百餘名來杭，於十四日丑時，與八十二標三營炸毀撫署，俘巡撫增韞；八十一標分攻軍械局及將軍署。至十五日午後，旗營亦降，杭州遂告光復。浙省同志一致推舉 總統爲浙省都督，可是 總統以救民救國救世界爲終身之職志；毅然拒絕同志之美意。返滬任滬軍第五團團長，助陳英士謀定全蘇。總統曾曰：『當時革命觀，第一在推倒滿清，恢復中華。第二在爲平民解除痛苦，至權位二字，實未絲毫縈懷也。』

民國元年（壬子 西元一九一二年） 總統二十六歲。

一月一日， 國父就任臨時大總統，國內粗定。 總統功成不居，將滬軍第五團團長交張萃接任，重遊日本，學習德文，準備赴德留學。並創軍聲雜誌，自撰發刊辭，略謂：「我國此次之革命，名爲對內，實爲對外，對外問題最重要者爲軍事。吾國人今日對軍事所最宜注意者：一曰鼓吹尙武精神，二曰研究兵科學術，三曰詳議徵兵辦法，四曰討論國防計劃，五曰補助軍事教育，六曰調查各國軍情。以上諸綱，均爲軍事之關鍵，而列強所恃以雄視世界者，其大端不外乎此。本社同仁，編輯軍聲，將欲揭破各國之陰謀，而曉音瘖口警告國人以未雨綢繆之計者，意在斯乎！」是時，暴俄

誘外蒙宣佈獨立；西藏亦受英人煽動，企圖脫離民國。總統於軍聲雜誌中，曾公開表示曰：「征撫蒙藏，不可僅視其形勢之難易，狀況之利害，拘泥於戰術之一隅而已。要當深省英俄之現況，與關係於蒙藏之如何而決定。」八月二十四日，國父偕陳英士蒞臨北平。二十五日，同盟會改組爲國民黨。英士見袁世凱野心愈難抑制，因召總統由日回國，策動舊部，爲他日討賊之主力。並撰「安危他日終須仗，甘苦來時要共嘗」一聯，請國父書以贈之。

民國二年（癸丑 西元一九一三年） 總統二十七歲。

袁世凱暗殺宋教仁，罷免國民黨籍四都督，向五國銀行團簽定大借款，陰謀傾覆民國，黨軍羣起聲討。七月十六日，陳英士被推爲駐滬討袁軍總司令。二十八日，英士命總統潛往龍華，聯絡舊部，團長陳其蔚早已通敵，避匿不見。總統乃召集各部隊，激以大義，遂提一營之衆，衝鋒奮進，與鈕永建部猛攻製造局，死傷枕藉，營長張紹良陣亡。當逼近該局時，不料袁派鄭汝成率海軍艦隊，用探照燈助敵軍防守，致革命軍受重大威脅，無法得逞，爲保存主力，遂將司令部移至閩北南海會館。但總統決不灰心，復率一支部隊，攻打吳淞砲台，不顧危險，奮勇直前，終以兵力有限，後援無繼，難以進展；同時外國商團，袒護敵方，用武裝外兵，包圍南海會館，阻撓進攻；討袁軍在這孤立無援之境，致遭失敗。總統乃東渡日本，靜待良機。

民國三年（甲寅 西元一九一四年） 總統二十八歲

夏，國父命總統回國主持滬寧討袁軍事兼第一路司令，負滬西進攻任務。事洩，袁捕之急，乃

赴日本。七月八日，國父在日本東京改國民黨爲中華革命黨。總統此時有哈爾濱之行，觀察東北形勢。居月餘，適歐洲大戰突起，乃上書國父，略謂：「本黨今日之進行，以統一各省革命計劃，確定全盤整個之方案，集中一點，注全力，聚精銳以赴之，是爲今日第一之急務也。若夫命令不一，統御無方，則處處進行，卽處處薄弱，進行終無徹底之時，卽使遍地發動，有何效益。是故多方起事，不足分袁軍之兵力，徒墮本黨聲威，且喪本黨之元氣耳。」旋見中東路俄寇蠢動，急回東京復命，主另闢革命途徑。是年，總統聞國父講大學之道，始悟此書爲最有價值之政治哲學，於是詳細研究，啓發甚多。後將自己之心得，作成「窮理於事物始生之處，研幾於心意初動之時」一聯，而呈國父評閱，國父書以贈之。

民國四年（乙卯 西元一九一五年） 總統二十九歲。

二月，陳英士由日本返國，總統送至橫濱輪次，臨別黯然曰：「此去萬一不幸，而爲袁氏所害，余當爲兄化身，以成未竟之志！」言已，不覺淚下。十一月，英士就任淞滬司令長官，召總統回國，謀運動肇和艦及襲取應瑞艦，並攻奪陸地各官署，未成。

民國五年（丙辰 西元一九一六年） 總統三十歲。

春，國父命總統助楊嘯天攻取江陰要塞，僅佔領五日，而內部譁變，同行者皆宵遁，總統獨留壘中；至夜深，二卒來告曰：「壘已空，曷速行，」乃由二卒護衛，離開砲台，出險回滬。五月十八日，袁世凱以七十萬金，購遣刺客李海秋，於居滬日僑山田家中，狙殺陳英士。山田恐彼累，

急將尸遷出，且對黨人咆哮，前後如出二人。英士親友遍海上，竟無一人敢領其尸者。總統哭之哀，乃載尸歸其私寓，爲經紀喪葬，並於二十日撰文祭之曰：「維民國五年五月二十日，盟弟蔣介石，致祭於英士先生之靈曰：嗚呼！自今以往，世將無知我之深，愛我之篤，如公者乎？丁未至今十載，其間所共者何如事，非安危同仗之國事乎？所約者何如辭，非生死與共之誓辭乎？而乃一死一生，國事如故，誓辭未踐，死者成仁取義，固無愧於一生，而生者守信堅約，豈忍惜於一死。嗚呼！大難方殷，元凶未戮，繼死者之志，生者也，完死者之業，生者也。生者未死，而死者猶生。死者之志未終，而生者終之，死者之業未成，而生者成之。不終不已，不成而不死亦不已；以履去春握別扶桑第二化身之讖語，以守我之信，堅我之約而已！嗚呼！追念前情，悲多而樂少，思深而恨長。辛亥以前，謀浙謀粵，一事未成，患難日迫，激感日深，幾不知復有爾我之分也。辛亥以後，禍亂相尋，變故百出，非知愛之摯，鮮不爲奸人所中傷。癸丑一役，敗挫之餘，從公往來，不離朝夕者，曾幾何人。長逝以後，繼公事業，不渝初終者，更有何人。向之趨炎附勢，排我斥我毀我誣我者，果何如乎？今之幸災樂禍，妒公忌公譏公刺公者，又何如乎？誠耶！僞耶！是耶！非耶！不恨生前之中讒，惟願死後之可告慰耳。噫！赤忱未剖，奸邪軀隙，忠言失察，竟成今日之禍。悲乎哀哉！而今而後，教我勸我，愛我扶我，同安同危，同甘同苦，而同心同德者，殆無其人矣！已矣哉！感此蒼涼，吾復何言，世路崎嶇，人心險巖，瞻前顧後，徒增寒心。白髮在堂，黃口離抱，奉老扶少，更切苦思。公其有靈，來格來歆！」六月，北上觀察政局。秋，回滬。十月六日，次子

緯國生。三十一日，國父以「教子有方」匾額，贈王太夫人。

民國六年（丁巳 西元一九一七年） 總統三十一歲。

春，留滬聯絡寧紹諸同志，圖肅清袁氏餘黨。九月十日，國父於廣州就任護法軍政府大元帥，謀北伐。二十日，總統撰上對北軍作戰計劃書曰：「敵軍兵力之判斷，北方政府所轄之軍隊，約在三十萬以上，然實際上可爲其動員者，卽以馮段二派勢力合計，則其數亦不過六萬。況國內近狀，內蒙則有王丕煥等之反側，而原駐察哈爾、綏遠之第一師，不能調動。晉北有國民軍之崛起，遼西有馮部之蠢動；則直隸之第三師，及秦、晉之軍隊，皆不能移動。江淮有張勳部卒之縱橫，而皖北、河南之第七師等，亦不能調動。山東有毛氏兄弟之騷擾，則第五師又不能移動。荆襄間有黎天才、石星川之軍隊，則王金鏡之第二師，祇足防範。江浙有風聲鶴唳之黨獄，而浙江之第四師及上海之第十師，僅可爲綢繆牖戶之計，亦俱不能調動。故默察大局，北軍雖衆，而爲段氏冒死南犯者甚尠；所可以爲段氏之動員者，惟吳光新駐岳之三旅，及范國璋之第二十師，與王汝賢之第八師也。至不得已或可以一部分應其調遣者，惟曲同豐新統模範團之一旅，及駐豫混成旅三旅中可抽撥其一旅而已。此就段氏所能號令者而論之。至馮氏所能號令之軍隊，皆集中於江淮之間，以把持南京爲目的，其不能爲段氏之動員也必矣。茲舉馮段二氏所能動員之兵力分列於左：甲、段氏動員之兵力，至多以四師爲限：一、王汝賢之第八師。二、范國璋之第二十師。三、吳光新駐岳之三旅。四、駐豫之一部。乙、馮氏動員之兵力：一、李進才之第十三師。二、劉恂之第十四師。三、張敬堯之